




Broj: 03-017-5537/2023
Bihać, 23.02.2023. godine

SKUPŠTINA UNSKO-SANSKOG KANTONA



PREDMET: Program rada i finansijski plan ZU Dom zdravlja Bužim za 2023. godinu,
dostavlja se

Na osnovu člana 96. i 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu vam dostavljamo Program rada i finansijski plan ZU Dom zdravlja Bužim za 2023. godinu, uz sljedeće:

O b r a z l o ž e n j e

Vlada Unsko-sanskog kantona je na svojoj 399. sjednici održanoj dana 23.02.2023. godine razmatrala i Zaključkom broj: 03-017-5537/2023, prihvatila Program rada i finansijski plan ZU Dom zdravlja Bužim za 2023. godinu, predlagača Ministarstva zdravstva, rada i socijalne politike, koji vam se upućuju na razmatranje.

S poštovanjem,

Prilog: Program rada i finansijski plan ZU Dom zdravlja Bužim za 2023. godinu (6x)

Dostavljeno:

1. Naslovu
2. a/a





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), na prijedlog Ministarstva zdravstva, rada i socijalne politike, Vlada Unsko-sanskog kantona, na 399. sjednici održanoj dana 23.02.2023. godine, donosi:

ZAKLJUČAK

I

Prihvata se Program rada i finansijski plan ZU Dom zdravlja Bužim za 2023. godinu i isti se upućuje Skupštini Unsko-sanskog kantona na razmatranje.

II

Ovaj Zaključak stupa na snagu danom donošenja

Broj: 03-017-5537/2023
Bihać, 23.02.2023. godine



OBRAZLOŽENJE

PRAVNI OSNOV

Pravni osnov za donošenje ove Odluke nalazi se u čl. 11.n), odjeljka A poglavlja V Ustava Unsko-sanskog kantona («Službeni glasnik Unsko-sanskog kantona» br.1/04 i 11/04), kojim je određeno da Skupština Kantona donosi i druge propise u obavljanju kantonalnih ovlaštenja, članu 48.st.1. Poslovnika Skupštine Unsko-sanskog kantona („Službeni glasnik Unsko-sanskog kantona“, br. 9/17 i 11/21) kao i Odluci o metodologiji i rokovima za izradu programa rada, izvještaja o radu koji se upućuju Skupštini i Vladi Unsko-sanskog kantona („Službeni glasnik Unsko-sanskog kantona“ broj: 3/14 i 4/14).

RAZLOZI ZA DONOŠENJE

Članom 65. Zakona o zdravstvenoj zaštiti („Službene novine Federacije BiH“ broj: 46/10 i 75/13) i članom 27. Zakona o ustanovama („Službeni list Republike BiH“, broj:6/92, 8/93 i 13/94), propisano je da upravni odbor utvrđuje planove rada i razvoja, utvrđuje godišnji program rada, donosi finansijski plan ustanove te obavlja i druge poslove.

Obzirom na izneseno, Ministarstvo zdravstva, rada i socijalne politike USK dostavlja predmetni materijal ZU Dom zdravlja Bužim, na razmatranje i odlučivanje uz prethodno uvažavanje svih iznesenih navoda, prijedloga kao i mišljenja ovog organa, sukladno odredbi člana 48. Poslovnika Skupštine i Programa rada Skupštine i odredaba Odluke o metodologiji i rokovima za izradu programa rada, izvještaja o radu koji se upućuju Skupštini i Vladi Unsko-sanskog kantona („Službeni glasnik Unsko-sanskog kantona“ broj: 3/14 i 4/14).

FINANSIJSKA SREDSTVA

U finansijskom planu ZU Dom zdravlja Bužim navodi se između ostalog da se finansijski plan sastoji od plana prihoda, plana rashoda i plana investiranja, a zasniva se na načelima zakonitosti, efikasnosti, ekonomičnosti, transparentnosti i principu finansijske ravnoteže. Imenovana ustanova planira za 2023.godinu ostvarenje prihoda u iznosu od 3.164.000,00 KM što je u odnosu na ostvarene prihode u 2022. godini povećanje za 13%. Planirani rashodi za 2023. godinu očekuju se u iznosu od 3.160.000,00 KM odnosno povećanje za 18% u odnosu na ostvarene rashode u 2022.godini. Najveći dio rashoda pripada naknadama za radnike (bruto plaće, topli obrok, putni troškovi, regres) i iznose 2.581.500,00 KM odnosno 82% od ukupnih planiranih rashoda. Ostatak sredstava u iznosu od 578.500,00 KM odnosno 18% planira se za pokrivanje troškova materijala, energenata, neproizvodnih usluga i ostalih troškova za pružanje zdravstvenih usluga. Ustanova planira sredstva za rad za 2023.god. ostvariti Ugovorom sa Zavodom zdravstvenog osiguranja USK-a Bihać, Ugovorom sa Ministarstvom zdravstva i socijalne politike USK-a Bihać, Prodajom usluga na tržištu, Sudjelovanjem korisnika zdravstvene zaštite u pokriću troškova zdravstvene zaštite i putem drugih izvora na način i pod uvjetima određenim zakonom. Za 2023.godinu planira se ostvarenje dobiti u iznosu od 4.000,00 KM.



MINISTAR

Prim. dr. Muris Halkić, spec. pulmog

09

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
BIHAC

PRIMLJENO		31-01-2023	
Organizaciona jedinica	Klasifikaciona oznaka	Redni broj	Broj priloga
09-33-	849-	1/	23



**Bosna i Hercegovina
Federacija Bosne i Hercegovine
Unsko – sanski kanton**

Zdravstvena ustanova Dom zdravlja Bužim

Broj: 01-45 /23

Datum: 31.01.2023.god.

VLADA USK-a

Putem Ministarstva zdravstva, rada i socijalne politike USK-a

Poštovani,

Predmet: Program rada i Finansijski plan, dostavlja se,-

Poštovani,

U skladu sa Odlukom o metodologiji i rokovima za izradu programa rada i izvještaja o radu koji se upućuju Skupštini i Vladi Unsko-sanskog kantona, u prilogu ovog akta dostavljamo Vam Program rada i Finansijski plan ZU Dom zdravlja Bužim za 2023.godinu na dalje postupanje.

S poštovanjem,

Prilog: Kao u ovom aktu

Dostavljeno:

1. Naslovu,
2. a/a.



**DIREKTORICA
Bajrović dr Sađida**

Bosna i Hercegovina
Federacija Bosne i Hercegovine
Unsko-sanski kanton
Općina Bužim

**ZDRAVSTVENA USTANOVA
DOM ZDRAVLJA BUŽIM
BUŽIM**

**PROGRAM RADA
ZDRAVSTVENE USTANOVE DOM ZDRAVLJA BUŽIM
BUŽIM
za period 01.01.-31.12.2023.godine**

Na osnovu člana 65. Zakona o zdravstvenoj zaštiti (Službeni list RBiH broj 46/10 i 75/13), te člana 35. Statuta Zdravstvene ustanove Doma zdravlja Bužim, Upravni odbor je na 28. redovnoj sjednici održanoj 30.01.2023.godine, a na prijedlog direktora DZ Bužim donio:

PROGRAM RADA ZDRAVSTVENE USTANOVE DOM ZDRAVLJA BUŽIM

I UVOD

Program rada ZU Dom zdravlja Bužim izrađen je u skladu sa Odlukom o metodologiji i rokovima za izradu programa rada i izvještaja o radu koji se upućuju Skupštini i Vladi Unsko-sanskog kantona broj 01-02-3-672/14, od 03.02.2014.godine

1. Profil ZU Dom zdravlja Bužim

Naziv ustanove:	ZU Dom zdravlja Bužim
Sjedište:	Ul. Generala Izeta Nanića 36, Bužim
Djelatnost:	Zdravstvena
Pravni status:	Javna ustanova u državnoj svojini
Identifikacioni broj:	4263084610009
Telefon, fax:	037/410-078, 419-079
Direktor:	Bajrović dr Sađida, specijalista pneumoftiziolog
Upravni odbor:	Imenovan Rješenjem Vlade USK-a br. 03-017 -1218/2019 od 12.12.2019.g br. 03-017 -2519/2020 od 28.12.2020.g
Eksterna revizija:	„Remes“ d.o.o. Bihać

Dom zdravlja Bužim je zdravstvena ustanova koja pruža usluge primarne i dijelom specijalističko-konsultativne zdravstvene zaštite za stanovnike-osiguranike Općine Bužim, a prema načelu sveobuhvatnosti, kontinuiranosti i dostupnosti. Osnivač Doma zdravlja Bužim je Skupština Unsko-sanskog kantona.

Djelatnost ove Ustanove je usklađena sa odredbama Zakona o zdravstvenoj zaštiti Federacije Bosne i Hercegovine koje se odnose na pružanje primarne zdravstvene zaštite.

Ova Ustanova ima svojstvo pravnog lica sa svim pravima i obavezama koje joj pripadaju na osnovu Ustava, Zakona i Statuta, te je kao takva registrovana kod nadležnog Kantonalnog suda.

Zdravstvena zaštita na primarnom nivou obuhvata:

- djelatnost porodične medicine;
- djelatnost zdravstvene zaštite djece;
- djelatnost polivalentnih patronažnih sestara u zajednici;
- higijensko-epidemiološku zaštitu;
- hitnu medicinsku pomoć;
- zaštitu reproduktivnog zdravlja žena;
- zdravstvenu zaštitu kod nespecifičnih i specifičnih plućnih oboljenja;
- fizikalnu i mentalnu rehabilitaciju u zajednici;
- specifičnu zdravstvenu zaštitu radnika, kao dio medicine rada, ako je ugovorena sa poslodavcem;
- zubozdravstvenu zaštitu;
- laboratorijsku i radiološku dijagnostiku primarnog nivoa;
- apotekarsku djelatnost.

Zdravstvena zaštita na primarnom nivou, pored navedenog, obuhvata:

- praćenje zdravstvenog stanja stanovnika i provođenje mjera za zaštitu i unapređenje zdravlja stanovnika;
- prevenciju, liječenje i rehabilitaciju bolesti i povreda;
- otkrivanje i suzbijanje faktora rizika masovnih nezaraznih bolesti;
- specifičnu preventivnu zdravstvenu zaštitu mladih, naročito u osnovnim i srednjim školama, te visokim školama na svom području;
- imunizaciju protiv zaraznih bolesti;
- liječenje i rehabilitaciju u kući;
- palijativnu njegu.

Sistem zdravstvene zaštite u domeni je USK, a na nivou Federacije BiH donose se strateške smjernice. Usluge zdravstvene zaštite koje se pružaju na području USK obuhvaćaju primarnu, sekundarnu i tercijarnu zdravstvenu zaštitu. Primarna zdravstvena zaštita pruža se u ambulantama domova zdravlja i područnim ambulantama porodične medicine.

Organizacija rada

U skladu sa Statutom ZU Dom zdravlja Bužim i Pravilnikom o unutrašnjoj organizaciji i sistematizaciji poslova i radnih zadataka rad ustanove se provodi kroz medicinske službe i službu zajedničkih poslova.

Ljudski resursi

Na dan 31.12.2022.godine u ZU Dom zdravlja Bužim je uposleno 68 radnika na puno radno vrijeme. 60 radnika je zaposleno na neodređeno a 8 radnika ima ugovor na određeno vrijeme.

Svi ljekari (15) registrirani su u Ljekarskoj komori i posjeduju neophodne licence za rad. Od ukupnog broja zaposlenih ljekara i stomatologa počasnno zvanje „primarijus“ ima 3 ljekara.

Zdravstveni tehničari su članovi nadležne komore i također svi posjeduju licence za rad.

Odnos medicinskih i nemedicinskih radnika je 70:30.

Finansiranje

Finansiranje rada ZU Dom zdravlja Bužim se ostvaruje u skladu sa Ugovorom o pružanju zdravstvene zaštite osiguranim licima sa područja opštine Bužim koji se sklapa sa Zavodom zdravstvenog osiguranja Unsko-sanskog kantona, Ugovorom sa Ministarstvom zdravstva, rada i socijalne politike USK-a, prodajom usluga na tržištu, sudjelovanjem korisnika zdravstvene zaštite u pokriću troškova zdravstvene zaštite i iz drugih izvora na način i pod uslovima određenim zakonom.

II NORMATIVNI DIO

Rad ZU Dom zdravlja Bužim definiran je:

- Zakonom o ustanovama
- Zakonom o zdravstvenoj zaštiti
- Zakonom o zdravstvenom osiguranju
- Zakonom o evidencijama u oblasti zdravstva
- Zakonom o obligacionim odnosima
- Zakonom o javnim nabavkama
- Zakonom o radu
- Zakonima iz oblasti finansija i poreza

-Podzakonskim aktima donesenim na osnovu navedenih zakona

III TEMATSKI DIO

1.Ciljevi rada u 2023.godini

Osnovni ciljevi za utvrđivanje programa rada za 2023.godinu su sljedeći:

- Provedba Ugovora o finansiranju sa ZZO USK-a u smislu izvršenja ugovorenih usluga
- Informatizacija svih službu u sklopu Jedinog informacionog sistema
- Utopljavanje objekta ZU Dom zdravlja Bužim
- Kupovina dva sanitetska vozila i jednog terenskog vozila
- Kupovina ultrazvučnog aparata

2.Rizici

Rizici koji mogu uticati na ispunjenje ciljeva se uglavnom odnose na nedostatak finansijskih sredstava za njihovu realizaciju i na nedostatak stručnog kadra.

Kako je već naglašeno finansiranje se ostvaruje u skladu sa Ugovorom o pružanju zdravstvene zaštite osiguranim licima.

Ustanova je u obavezi da u potpunosti primjenjuje odredbe Kolektivnog ugovora o pravima i obavezama poslodavca i radnika zaposlenih u oblasti zdravstva na teritoriji USK-a.

Za 2023.godinu je planirano usvajanje novog kolektivnog ugovora sa značajnim povećanjima prava radnika u smislu povećanja koeficijenata i satnice za obračun plaća. Obzirom da i dalje dolazi do smanjenja broja osiguranih lica (za 2023.godinu broj osiguranih lica je manji za 235 u odnosu na broj iz 2022.godine, a u odnosu na 2015.godinu broj osiguranika je smanjen za 2.563), da bi se mogle isplaćivati plaće i nastaviti redovno plaćanje obaveza prema dobavljačima, potrebno je povećati BOD za plaćanje zdravstvenih usluga koji je u 2022.godini nakon rebalansa Finansijskog plana ZZO USK-a iznosio 1.21 KM.

Nedovoljan broj ljekara i nemogućnost pronalaženja kadra uprkos svim naporima (objavljivanje konkursa, slanje zahtjeva za posredovanje pri zapošljavanju službama za zapošljavanje ostalih kantona u BiH) najveći je rizik koji utiče na rad zdravstvenih ustanova, a posebno ustanova koje se nalaze u manjim mjestima poput Bužima.

Obračun rizika za propisivanje lijekova sa esencijalne liste ZZO USK-a koji iznosi 40% od prekoračenog ugovorenog iznosa značajno otežava finansijsku stabilnost zdravstvenih ustanova. Iako se svake godine ističe ovaj problem ne uvažava se činjenica da je stanovništvo sve starije i da zbog hroničnih oboljenja koriste sve više lijekova.

3. Program rada ZU Dom zdravlja Bužim za 2023.godinu

Informaticizacija svih službi u sklopu Jedinstvenog informacionog sistema

Specifični ciljevi	Mjere i aktivnosti	Nosioci aktivnosti	Pokazatelji praćenja rezultata	Izvori finansiranja	Evaluacija
Informaticizacija svih službi u sklopu Jedinstvenog informacionog sistema.	Pokretanje rada u informacionom sistemu	Menadžment ZU Dom zdravlja Bužim	Informatiziran kompletan sistem primarne zdravstvene zaštite u ZU Dom zdravlja Bužim	Vlastita sredstva	Nakon provedenog postupka informatizacije

Utopljavanje objekta ZU Dom zdravlja Bužim

Specifični ciljevi	Mjere i aktivnosti	Nosioci aktivnosti	Pokazatelji praćenja rezultata	Izvori finansiranja	Evaluacija
Utopljavanje objekta ZU Dom zdravlja Bužim	Stavijanje fasade i prelazak na grijanje toplotnim pumpama	Fond za zaštitu okoliša Federacije Bosne i Hercegovine Menadžment ZU Dom zdravlja Bužim	Smanjenje troškova za zagrijavanje objekta u grijnoj sezoni i smanjenje emisije zagađujućih materija	UNDP Sredstva iz Budžeta USK Vlastita sredstva	Nakon provedenog postupka utopljavanja

Nabavka sanitetskog vozila

Specifični ciljevi	Mjere i aktivnosti	Nosioci aktivnosti	Pokazatelji praćenja rezultata	Izvori finansiranja	Evaluacija
Nabavka dva sanitetska vozila	Pokretanje postupka nabavke u skladu s ZJN	Komisija za javne nabavke	Izvršena nabavka	Sredstva iz Budžeta USK Vlastita sredstva	Nakon provedenog postupka nabavke

Nabavka terenskog vozila

Specifični ciljevi	Mjere i aktivnosti	Nosioci aktivnosti	Pokazatelji praćenja rezultata	Izvori finansiranja	Evaluacija
Nabavka terenskog vozila 4x4	Pokretanje postupka nabavke u skladu s ZJN	Komisija za javne nabavke	Izvršena nabavka	Vlastita sredstva	Nakon provedenog postupka nabavke

Nabavka UZV aparata

Specifični ciljevi	Mjere i aktivnosti	Nosioci aktivnosti	Pokazatelji praćenja rezultata	Izvori finansiranja	Evaluacija
Nabavka UZV aparata	Pokretanje postupka nabavke u skladu s ZJN	Komisija za javne nabavke	Izvršena nabavka	Sredstva iz Budžeta USK	Nakon provedenog postupka nabavke

Informatizacija kompletne primarne zdravstvene zaštite se planira za kraj januara, te bi se od februara kompletna evidencija u svim službama počela voditi i elektronskim putem.

Utopljanje objekta ZU Dom zdravlja Bužim projekat je koji je vezan za višegodišnje saradnje s Fondom za zaštitu okoliša Federacije Bosne i Hercegovine, vezano za projekt "Povećanje ulaganja u javne objekte s niskom stopom emisije ugljika", koji finansira Zeleni klimatski fond (GCF), a provodi Razvojni program Ujedinjenih nacija (UNDP) u saradnji s partnerima. U sklopu navedenog projekta urađen je detaljni energetska pregled kompleksa zgrade ZU Dom zdravlja Bužim.

Naša ustanova je u sklopu projekta izabrana za finansiranje projekta za utopljanja i prelaska na čistu energiju za provođenje mjera kojima bi se ostvarile uštede energije i dodatno smanjile stope emisije stakleničkih plinova.

Za realizaciju projekta koji se ogleda u poboljšanju toplinskih svojstava vanjske fasade (postavljanje toplinske izolacije) i poboljšanje sistema centralnog grijanja prelaskom s grijanja na peći na lož ulje na grijanje pomoću toplinskih pumpi, potreban je iznos od 344.069,86KM s PDV-om.

UNDP u saradnji s partnerima u realizaciji projekta osigurava vlastito učešće u iznosu od 117.000,00 KM s PDV-om, dok je učešće ustanove 227.069,86 KM s PDV-om od čega je Vlade USK-a osigurala iznos od 152.303,63 KM.

Također je neophodno izvršiti postavljanje drenaže iznad objekta Doma zdravlja, a sve u cilju sprečavanja pojave vlage uzrokovane oborinskim vodama što predstavlja problem u radu radiološke dijagnostike. Obzirom da se planira nabavka novog RTG aparata, neophodno je izvršiti pripreme prostorija koje su trenutno u lošem stanju zbog navedenih problema s vlagom. Izvođenje ovih radova je otežano zbog nepristupačnog terena i same lokacije zgrade.

Nabavka jednog sanitetskog vozila i ultrazvučnog aparata, pored utopljanja objekta, predstavlja jedno od većih ulaganja koja se planiraju tokom 2023.godine. Nastojati ćemo obezbijediti sredstva za ove nabavke iz Budžeta Vlade USK-a.

Također se planira nabavka jednog sanitetskog vozila i jednog terenskog vozila s pogonom 4x4 iz vlastitih sredstava.

Kupovina novih vozila je neophodna radi obnavljanja voznog parka, dotrajalosti postojećih vozila i prevelikih troškova održavanja i popravki koje ustanova trenutno ima.

Ostale, redovne nabavke će se provoditi u skladu s potrebama službi, prateći zakonske propise iz oblasti javnih nabavki.

3.1. Programske aktivnosti organizacionih jedinica Doma zdravlja Bužim za 2023.godinu

Provođenje redovnih aktivnosti preventive i liječenja u sklopu primarne zdravstvene zaštite stanovništva u organizacionim jedinicama će se provoditi u skladu s

Ugovorom o finansiranju primarne zdravstvene zaštite koji se potpisuje s Zavodom zdravstvenog osiguranja USK-a za osigurana lica, te pružanjem usluga neosiguranim licima i licima koji plaćaju usluge koje nisu ugovorene sa ZZO USK-a. I dalje će se provoditi mjere zaštite zbog pandemije COVID-19, a u skladu s naredbama Federalnog ministarstva zdravstva.

IV KONTINUIRANE AKTIVNOSTI

ZU Dom zdravlja Bužim će i u toku 2023.godine nastojati provoditi kontinuirane aktivnosti u svrhu implementacije Programa zdravstvene zaštite koji će se utvrditi početkom 2023.godine, a verificiraće se Ugovorom sa ZZO USK-a za 2023.godinu.

ZU Dom zdravlja Bužim će u 2023.godini pratiti sve upute nadležnog Ministarstva, Zavoda za javno zdravstvo i svoje djelovanje prilagođavati trenutnoj situaciji.

ZU Dom zdravlja Bužim će pružiti potpunu zdravstvenu zaštitu svim stanovnicima općine Bužim u skladu sa njihovim potrebama i smjernicama koje će se donositi kontinuirano prateći propise donesene na višim nivoima.

1.Medicinske službe

Služba	Planirano za 2021.godinu		Broj izvršenih usluga u 2022.godini		Planirano za 2023.godinu	
	Ukupan broj usluga	Od toga preventiva	Ukupan broj usluga	Od toga preventiva	Ukupan broj usluga	Od toga preventiva
Porodična medicina	45.000	3.000	41.261	1.685	40.000	2.000
Opšta (neregistrirani)	800	50	762	18	800	40
Patronaža (neregistrirani)	500	500	820	820	900	900
Kućno liječenje (neregistrirani)	50		79		70	
ZZ predškolske djece	6.000	1.500	7.191	1.544	6.000	1.500
ZZ školske djece	500	250	478	178	500	200
ZZ žena	4.000	1.000	9.276	1.823	9.000	1.800
ZZ zuba i usta predškolske djece	1.000	450	892	314	800	300
ZZ zuba i usta školske djece	4.500	1.000	3.199	433	4.000	500
ZZ zuba i usta odraslih	4.500	400	3.600	394	3.700	400
PFD	900	70	919	89	900	70
HES	7.000	3.000	4.529	516	3.500	200
UZV dijagnostika	1.000		613		2.000	
RTG	2.500		2.294		2.500	
Laboratorija primarne usluge	45.000		54.585		50.000	
Laboratorija sekundarne usluge	10.000		17.605		15.000	
Centar za mentalno zdravlje	1.000		1.660		1.600	
Hitna služba	21.000		24.192		22.000	

Kad se analizira izvršenje usluga u prošloj godini primjećuje se da je zdravstvena zaštita u opštini Bužim najviše je orijentirana na usluge liječenja iz razloga što je sve veća populacija lica koja pripadaju starijim dobnim skupinama. I pored toga, zdravstveni radnici pružaju i veliki broj preventivnih usluga koje ćemo nastojati pružati i dalje u većem obimu.

Iz tog razloga, vrlo je teško planirati broj usluga za narednu godinu jer je još uvijek neizvjesno kako će se odvijati situacija vezana za pandemiju COVID 19 koja je tokom 2022.godine stavljena pod kontrolu. Zainteresiranost za cijepljenje protiv COVID-19 bila vrlo niska na području naše opštine iako je obezbijeđen dovoljan broj vakcina.

U 2023. godini primarna zdravstvena djelatnost ZU Dom zdravlja Bužim trebala bi se sa Zavodom zdravstvenog osiguranja ugovoriti za :

- djelatnost porodične/obiteljske medicine,
- djelatnost opšte zdravstvene zaštite (osig.lica koja nisu registrirana u timove porodične medicine),
- djelatnost polivalentne patronaže,
- djelatnost zdravstvene zaštite predškolske djece,
- djelatnost zdravstvene zaštite školske djece i omladine (osig.lica koja nisu registrirana u timove porodične medicine),
- djelatnost kućnog liječenja,
- djelatnost zdravstvene zaštite reproduktivnog zdravlja žena,
- djelatnost higijensko-epidemiološke službe,
- djelatnost hitne medicinske pomoći,
- djelatnost pneumoftiziološke zdravstvene zaštite,
- djelatnost fizikalne rehabilitacije,
- djelatnost centra za mentalnu rehabilitaciju,
- djelatnost zdravstvene zaštite zuba i usta,
- djelatnost laboratorijske dijagnostike primarnog i dijela sekundarnog nivoa,
- RTG i ultrazvučnu dijagnostiku.

2.Služba zajedničkih poslova

Kontinuirane aktivnosti Službe zajedničkih poslova će se odnositi uglavnom na aktivnosti koje su podrška medicinskim službama u cilju što optimalnijeg rada.

2.1.Organizacija rada, upravljanje i rukovođenje

Upravljanje i rukovođenje ustanovom će se zasnivati na Zakonu i aktima ustanove, a menadžment će osigurati provođenje svih zakonskih odredbi, te će osigurati sve uslove za nesmetano funkcionisanje kako finansijski, tako i kadrovski i materijalno-tehnički.

2.2. Ljudski resursi

Razvoj ljudskih resursa mora biti usklađen sa potrebama stanovništva za kvalitetnim zdravstvenim uslugama i zahtjevima savremene medicinske prakse, uz popunu odgovarajućeg kadra neophodnog za izvršenje zdravstvenih programa.

Osnovni resurs ZU Dom zdravlja Bužim čine radnici i predstavljaju najvažniji resurs u kreiranju vrijednosti rada u Ustanovi. Radnici se moraju pridržavati propisanih obaveza u skladu sa svojom stručnom spremom i završenom obukom, kao i uputstvima koja daje direktor.

U toku 2023.godine u ZU Dom zdravlja Bužim se planira prijem najmanje jednog doktora medicine na neodređeno vrijeme i dvije medicinske sestre na određeno vrijeme do tri godine. Također, mora se planirati i prijem radnika na određeno vrijeme za vrijeme korištenja godišnjih odmora ili eventualnih privremenih spriječenosti za rad zbog bolesti.

Zakonska obaveza zdravstvenih ustanova je i prijem pripravnika. Ova ustanova će i u 2023.godini omogućiti obavljanje pripravničkog staža svim kandidatima koji se prijave.

Kadrovska struktura zaposlenih na dan 31.12.2022.godine

ZAPOSLENI PO STRUKAMA I STEPENIMA STRUČNE SPREME	Ukupan broj zaposlenih	Od toga na određeno vrijeme
Zdravstveni radnici i saradnici		
Doktori medicine-specijalisti	5	
Doktori medicine	8	2
Doktori stomatologije	2	
Zdravstveni saradnici VSS (psiholog)	1	
Zdravstveni radnici VSS	2	
Zdravstveni tehničari VSS	3	
Zdravstveni tehničari SSS	28	2
Ukupno zdravstveni radnici i saradnici	49	
Administrativni, tehnički i ostali radnici u zdravstvenoj ustanovi		
Visoka stručna sprema	2	
Srednja stručna sprema	3	
Ukupno uprava i administracija	5	
Tehnička služba-srednja stručna sprema	0	
Kvalifikovani radnici	8	3
Ostali radnici	6	1
Ukupno tehničke službe	14	
Ukupno administrativni, tehnički i ostali radnici	19	
Ukupno zaposlenih	68	8

2.2.1. Plan specijalizacija i edukacija u 2023.godini

ZU Dom zdravlja Bužim će u toku 2023.godine imati tri doktora na specijalizaciji: jednog specijalizanta iz oblasti pedijatrije (završetak navedene specijalizacija se očekuje krajem 2023.godine), jednog specijalizanta iz oblasti kliničke radiologije (specijalizacija počela u augustu 2021.godine i traje pet godina) i jednog specijalizanta iz oblasti dječije i preventivne stomatologije (specijalizacija počela 04.01.2022.godine i traje tri godine).

Edukaciju iz oblasti porodične medicine pohađa jedan doktor medicine, a ista će biti završena tokom juna 2023.godine.

Krajem 2023.godine, nakon povratka jednog doktora sa specijalizacije, planira se upućivanje doktora na neku od već odobrenih specijalizacija.

V ZAKLJUČAK

Navedeni zadaci programa rada imaju za cilj dostupnu, pravovremenu, kvalitetnu i učinkovitu zdravstvenu zaštitu stanovništva općine Bužim.

Tokom 2023.godine, pratit će se izvršavanje Programa rada, te će se po potrebi dopunjavati u skladu sa iskazanim potrebama i zahtjevima.

Broj: UO-03- 50 /23
Bužim, 30.01.2023.g.

Predsjednik Upravnog odbora
Izudin Mulalić



Bosna i Hercegovina
Federacija Bosne i Hercegovine
Unsko-sanski kanton
Zdravstvena ustanova
Dom zdravlja Bužim

UPRAVNI ODBOR

Broj: UO-03- 51 /23
Bužim, 30.01.2023.god.

Na osnovu člana 35. Statuta ZU Dom zdravlja Bužim (Statut br. UO-03-15/11, od 28.02.2011.g., Odluke o izmjenama i dopunama Statuta ZU Dom zdravlja Bužim broj UO-03-61/12, od 28.12.2012.godine), Upravni odbor je na 28. redovnoj sjednici održanoj 30.01.2023. godine, donio

ODLUKU

I

Usvaja se Program rada Zdravstvene ustanove Dom zdravlja Bužim za 2023.godinu.

II

Odluka stupa na snagu danom donošenja.

Dostavljeno :

1. Članovi U.O.
2. Direktorica, Bajrović dr Sažida
3. Arhiva U.O.



Predsjednik Upravnog odbora
Izudin Mujafić, dipl.iur

U skladu sa članom 35. Statuta ZU Dom zdravlja Bužim i članom 65. Zakona o zdravstvenoj zaštiti Upravni odbor ZU dom zdravlja Bužim na sjednici održanoj 30.01.2023.godine donosi:

**FINANSIJSKI PLAN
ZDRAVSTVENE USTANOVE DOM ZDRAVLJA BUŽIM
ZA 2023 GODINU**

NAZIV: ZU DOM ZDRAVLJA BUŽIM

SJEDIŠTE: Ul. Gen. Izet Nanić 36

DJELATNOST: Zdravstvena

PRAVNI STATUS: javna ustanova u državnoj svojini

IDENTIFIKACIONI BROJ: 4263084610009

TELEFON: 00387 37 410 419

DIREKTOR: dr. Sađida Bajrović

UPRAVNI ODOBOR: Imenovan Rješenjem Vlade USK-a broj 03-017-1218/2019
i rješenjem Vlade USK-a broj 03-017-2519/2020
1.Mulalić Izudin-presjednik
2.Abdić Šemsudin
3.Ćosić Dijana
4.Velić Merima

Eksterna revizija: Revizija: REMES Bihać
Mehmedalije Maka Dizdara 6/2 Bihać

ZU Dom zdravlja Bužim upisana je u sudski registar pod brojem U/I-15/97 od 13.05.1997 god..
Osnivač je Skupština Unsko- Sanskog kantona
Šifra djelatnosti je 86.21 , registarski broj 1110002068

FINANSIJSKI PLAN ZA POSLOVNU 2023 GODINU

Finansijskim planom se procjenjuju prihodi i utvrđuju rashodi u skladu sa proračunskim klasifikacijama. Ovaj plan se sastoji od plana prihoda, plana rashoda i plana investiranja. Zasniva se na načelima zakonitosti, efikasnosti, ekonomičnosti i transparentnosti i principu finansijske ravnoteže.

Finansijski plan ZU Dom zdravlja Bužim je urađen na osnovu podataka o poslovanju ove ustanove u prethodnom periodu.

Planirani prihodi za poslovnu 2023 godinu

Zdravstvena ustanova Dom zdravlja Bužim za 2023 godinu planira ostvarenje prihoda u iznosu od 3.164.000,00 KM što je u odnosu na ostvarene prihode u 2022 godini povećanje za 13 %. Najveći priliv sredstava očekuje se po osnovu Ugovora sa ZZO-a USK-a o pružanju zdravstvenih usluga osiguranim licima na području općine Bužim i to u iznosu od 84% od ukupnih prihoda. Ostali dio prihoda u iznosu od 16 % planira se ostvariti putem davanja usluga licima koja nemaju zdravstveno osiguranje, korisnicima usluga koje nisu predviđene i ugovorene sa ZZO-a i ostalim uslugama iz domena djelatnosti za koji ustanova ima opremu i kadar.

U tabeli br. 1 dat je sintetički pregled planiranih i ostvarenih prihoda u 2022 godini kao i planirani iznos prihoda za 2023 godinu.

Dodatak tabeli br. 1 su tabele br. 1a i 1b gdje su analitički predstavljani planirani prihodi.

Planirani rashodi za poslovnu 2023 godinu

Planirani rashodi za 2023 godinu očekuju se u iznosu od 3.160.000,00 KM, odnosno povećanje za 18 % u odnosu na ostvarene rashode u 2022 godini.

Najveći dio rashoda pripada naknadama za radnike (bruto plaće, topli obrok, putni troškovi regres) i iznose 2.581.500,00 KM odnosno 82 % od ukupnih planiranih rashoda.

Ostatak sredstava u iznosu od 578.500,00 KM odn. 18 % planira se za pokrivanje troškova materijala, energenata, neproizvodnih usluga i ostalih troškova za pružanje zdravstvenih usluga.

U tabeli br. 2 dat je sintetički pregled planiranih i ostvarenih rashoda u 2022 godini kao i planirani iznos rashoda za 2023 godinu.

Dodatak tabeli br. 2 su tabele br. 2a i 2b sa analitičkim pregledom planiranih rashoda.

Plan poslovnog rezultata

Za 2023 godinu planira se ostvarenje dobiti u iznosu od 4.000,00 KM.

TABELA 1

Ukupni planirani i ostvareni prihodi u 2022 god i ukupno planirani prihodi za 2023 god.

VRSTA PRIHODA	Planirani prihodi za 2022 godini	Ostvareni prihodi u 2022 godini	Planirani prihodi za 2023 godini
Prihod od ZZO-a po osnovu pružanja zdravstvene zaštite	2.200.000,00	2.366.533,00	2.650.000,00
Prihodi po osnovu pružanja zdravstvenih usluga	200.500,00	195.419,00	209.000,00
Prihodi po osnovu prevoza pacijenata	63.500,00	151.979,00	165.000,00
Ostali prihodi	85.714,00	96.710,00	140.000,00
UKUPNO:	2.549.714,00	2.810.641,00	3.164.000,00

TABELA 1a

U tabeli broj 1a prikazani su planirani i ostvareni pojedinačni prihodi po osnovu pružanja zdravstvenih usluga

Prihodi po osnovu pružanja zdravstvenih usluga	Planirani prihodi za 2022 godini	Ostvareni prihodi u 2022 godini	Planirani prihodi za 2023 godini
Usluge neosiguranim licima	184.000,00	179.536,00	190.000,00
Ljekarska uvjerenja	8.500,00	8.346,00	10.000,00
Sanitarne knjižice	8.000,00	7.537,00	9.000,00
UKUPNO:	200.500,00	195.419,00	209.000,00

TABELA 1b

U tabeli 1b prikazani su planirani i ostvareni pojedinačni ostali prihodi

Ostali prihodi	Planirani prihodi za 2022 godini	Ostvareni prihodi u 2022 godini	Planirani prihodi za 2023 godini
Prihodi od INO osiguranika	5.000,00	9.514,00	15.000,00
Prihod od povrata akciza	5.755,00	5.400,00	
Prihod od prodaje		521,00	2.000,00
Mrtvozorstvo	5.000,00	3.555,00	5.000,00
Poticaji-sredstva za volontere		2.820,00	3.000,00
Finan. Prihodi iz ranijih godina			
Prihodi od vansudske nagodbe			
Prihodi od poslovne saradnje			
Prihod po osnovu sudski pres	39.959,00	15.670,00	45.000,00
Prihod od ZZO-a po obračunu potrošnje lijekova			
Prihod po osnovu amortizac za primljenu donaciju	30.000,00	59.230,00	70.000,00
UKUPNO:	85.714,00	96.710,00	140.000,00

TABELA 2

Ukupni planirani i ostvareni rashodi u 2022 godini i ukupni planirani rashodi u 2023 godini

Rashodi-troškovi	Planirani rashodi u 2022 godini	Ostvareni rashodi u 2022 godini	Planirani rashodi u 2023 godini
Troškovi utrošenog materijala (lijekovi, sanitetski materijal, laboratorijski mat., sredstva za čišćenje, kancelarski mat., stomatološki i ostali materijal)	133.200,00	109.629,00	137.300,00
Troškovi energije (troškovi električne energije, lož ulja i goriva i maziva za transportna sredstva)	90.000,00	118.680,00	112.500,00
Troškovi sitnog inventara (troškovi sitnog inventara, auto guma i HTZ opreme)	6.000,00	12.132,00	7.000,00
Plaće (bruto plaće zaposlenih)	1.850.000,00	1.947.042,00	2.370.000,00
Troškovi službenog putovanja (dnevnice za sl.putovanja, troškovi prevoza, smještaja i prateći troškovi na sl.putu)	7.000,00	12.594,00	14.500,00
Troškovi ostalih primanja i naknada zaposlenih (naknade za TO, PT, regres za godišnji odmor, otpremnine za odlazak u penziju, kotizacije, naknade u slučaju smrti)	220.500,00	252.048,00	211.500,00
Troškovi naknada članovima upravnog odbora, troškovi čl. raznih komisija)	23.500,00	25.372,00	16.000,00
Troškovi usluga održavanja (troškovi usluga tekućeg održavanja sanitetskih vozila, objekta, medicinske i ostale opreme)	18.300,00	19.341,00	29.000,00
Troškovi zdravstvenih usluga (troškovi logopeda, citologa, mikrobiologa i pedijatra)	25.500,00	21.379,00	77.600,00
Troškovi amortizacije (troškovi amortizacije)	100.000,00	109.575,00	100.000,00
Troškovi neproizvodnih usluga (komunalne usluge, revizijske i računovodstvene, advokatske usluge, troškovi čišćenja i dr.)	10.500,00	14.325,00	18.900,00

Troškovi reprezentacije (troškovi reprezentacije u sopstvenim poslovnim prostorijama, jub.darovi i priznanja)	1.500,00	265,00	1.000,00
Troškovi premije osiguranja (premija osiguranja za vozila opremu i građevinu)	7.200,00	6.051,00	8.200,00
Troškovi platnog prometa u zemlji	1.200,00	1.381,00	1.500,00
Troškovi poštanskih i telekomunikacijskih usluga (poštanske usluge, telefonske usluge i usluge interneta)	8.500,00	8.145,00	8.100,00
Troškovi poreza, naknada i taksi (posebni porezi za zaštitu od prirodni nesreća, naknada za vode, sudske, administrativne i ostale takse)	11.500,00	11.689,00	12.000,00
Troškovi članskih doprinosa i sličnih obaveza (doprinosi za volontere, pretplate za službena glasila i sudski troškovi)	2.000,00	2.086,00	3.000,00
Ostali nematerijalni troškovi (izrada planova i projekata)	3.000,00	900,00	4.500,00
Troškovi arhivskog poslovanja			6.000,00
Troškovi rezervnih dijelova	7.000,00	11.387,00	14.000,00
Održavanje PPA-a i stručno usavršavanje radnika	6.000,00	4015,00	5.000,00
Usluge deratizacije, dezinfek. i dezinsekcije			1.200,00
Servisiranje informatičke opreme	2.300,00		1.200,00
UKUPNO:	2.534.700,00	2.688.036,00	3.160.000,00

TABELA 2a

U tabeli 2a prikazani su planirani i ostvareni pojedinačni rashodi utrošenog materijala

Troškovi utrošenog materijala	Planirani rashodi u 2022 godini	Ostvareni rashodi u 2022 godine	Planirani rashodi u 2023 godini
Potrošnja lijekova	25.000,00	16.376,00	26.000,00
Potrošnja sanitetskog mater.	24.000,00	20.199,00	28.000,00
Potrošnja laboratoriskog mat.	65.000,00	56.216,00	60.000,00
Potrošnja RTG filmova	600,00		600,00
Potrošnja stomatološkog mat.	4.800,00	2.793,00	4.700,00
Potrošnja kancelariskog mat.	9.000,00	7.801,00	12.500,00
Materijal za čišćenje	2.400,00	2.802,00	3.000,00
Ostali materijal	2.400,00	3.442,00	2.500,00
UKUPNO:	133.200,00	109.629,00	137.300,00

TABELA 2b

U tabeli 2b prikazani su planirani i ostvareni pojedinačni rashodi ostalih primanja i naknada zaposlenih

Troškovi ostalih primanja i naknada zaposlenih	Planirani rashodi u 2022 godini	Ostvareni rashodi u 2022 godini	Planirani rashodi u 2023 godini
Regres	35.000,00	33.976,00	37.000,00
Topli obrok	140.000,00	132.631,00	135.000,00
Otpremnine	6.000,00	9.915,00	3.500,00
Smrtni slučaj	12.000,00	12.837,00	7.000,00
Jednokratna novčana pomoć		34.000,00	
Vjerski praznici	7.500,00	7.000,00	7.000,00
Putni troškovi	20.000,00	21.689,00	22.000,00
UKUPNO:	220.500,00	252.048,00	211.500,00

TABELA 2c

U tabeli 2c prikazani su planirani i ostvareni pojedinačni rashodi energije

Troškovi energije	Planirani rashodi u 2022 godini	Ostvareni rashodi u 2022 godini	Planirani rashodi u 2023 godini
Troškovi električne energije	15.000,00	11.746,00	20.000,00
Troškovi goriva i maziva	45.000,00	71.351,00	92.500,00
Troškovi lož ulja	30.000,00	35.583,00	
UKUPNO:	90.000,00	118.680,00	112.500,00

TABELA 2d

U tabeli 2d prikazani su planirani i ostvareni pojedinačni rashodi naknada članovima UO i ostalih komisija

Troškovi naknada članovima UO i komisija	Planirani rashodi u 2022 godini	Ostvareni rashodi u 2022 godini	Planirani rashodi u 2023 godini
UO	12.000,00	9.594,00	10.000,00
Mrtvozorstvo	5.000,00	3.387,00	4.000,00
Konzilij	2.500,00	2.824,00	0,00
Ugovor o privremenim posl.	4.000,00	9.567,00	2.000,00
UKUPNO:	23.500,00	25.372,00	16.000,00

TABELA 2e

U tabeli 2e prikazani su planirani i ostvareni pojedinačni rashodi usluga održavanja opreme

Troškovi usluga održavanja	Planirani rashodi u 2022 godini	Ostvareni rashodi u 2022 godini	Planirani rashodi u 2023 godini
Održavanje sanitetskih vozila	7.000,00	8.657,00	12.000,00
Održavanje medicinske opreme	3.500,00	4.924,00	7.000,00
Tehnički i nakn. Za produženje	2.000,00	1.905,00	2.500,00
Vulkanizerske usluge	1.300,00	1.622,00	3.500,00
Tekuće održavanje	4.500,00	2.233,00	4.000,00
U K U P N O:	18.300,00	19.341,00	29.000,00

TABELA 2f

U tabeli 2f prikazani su planirani i ostvareni pojedinačni rashodi zdravstvenih usluga

Troškovi zdravstvenih usluga	Planirani rashodi u 2022 godini	Ostvareni rashodi u 2022 godini	Planirani rashodi u 2023 godini
Troškovi logopeda	1.500,00	210,00	500,00
Troškovi citologa	12.000,00	12.250,00	14.000,00
Troškovi mikrobiologa	3.000,00	2.493,00	3.000,00
Troškovi radiologa	9.000,00		19.000,00
Usluge fizijatra		2.448,00	12.500,00
Usluge neuropsihijatra		3.978,00	9.000,00
Usluge pedijatra			12.500,00
Usluge magistra			3.000,00
Usluge specijaliste med. rada			4.100,00
U K U P N O:	25.500,00	21.379,00	77.600,00

TABELA 2g

U tabeli 2g prikazani su planirani i ostvareni pojedinačni rashodi neproizvodnih usluga

Troškovi neproizvodnih usluga	Planirani rashodi u 2022 godini	Ostvareni rashodi u 2022 godini	Planirani rashodi u 2023 godini
Komunalne usluge	4.500,00	4.841,00	5.200,00
Računov. I revizorske usluge	5.000,00	5.739,00	5.200,00
Advokatske usluge	1.000,00	820,00	5.000,00
Usluge nadzora		2.925,00	3.500,00
U K U P N O:	10.500,00	14.325,00	18.900,00

TABELA 2h

U tabeli 2h prikazani su planirani i ostvareni pojedinačni rashodi poštanskih i telekomunikacijskih usluga

Troškovi poštanskih i telekomunikacijskih usluga	Planirani rashodi u 2022 godini	Ostvareni rashodi u 2022 godini	Planirani rashodi u 2023 godini
Poštanske usluge	1.500,00	1.464,00	1.600,00
Telefonske usluge	3.500,00	3.284,00	3.300,00
Usluge interneta	3.500,00	3.397,00	3.200,00
U K U P N O:	8.500,00	8.145,00	8.100,00

Na osnovu finansijskog plana a prema raspoloživim sredstvima ova Ustanova planira u 2023 godini nabavku sljedeće opreme:

Naziv	Služba	količina	izvor finansiranja
1.Nabavka kancelariskog namještaja	Dom zdravlja	1	vlastita sredstva
2.Usluga montaže nastrešnice	Dom zdravlja	1	vlastita sredstva
3.Stolica za pregled i intervencije	Dom zdravlja	1	vlastita sredstva
4.Medicinski instrumenti	Dom zdravlja	1	vlastita sredstva
5.Sanitet	Dom zdravlja	1	vlastita sredstva
6. Terensko vozilo	Dom zdravlja	1	vlastita sredstva
7.Dodatna sred. za utopljanje objekta	Dom zdravlja	1	vlastita sredstva
8.Monitoring vitalnih funkcija	Dom zdravlja	1	vlastita sredstva
9.Građevinski radovi	Dom zdravlja	1	vlastita sredstva

Ukoliko se u ZU Dom zdravlja Bužim ukaže potreba za robama, uslugama ili radovima koji nisu obuhvaćeni ovim Finansijskim planom ili planom nabavki i provođenjem procedura javnih nabavki za poslovnu 2023 godinu odluku o istom donosit će Upravni odbor ZU Dom zdravlja Bužim.

Izvori finansiranja:

Sredstva za rad ZU Dom zdravlja Bužim za 2023 god. planira ostvariti:

- 1.Ugovorom sa Zavodom zdravstvenog osiguranja USK-a Bihać
- 2.Ugovorom sa Ministarstvom zdravstva i socijalne politike USK-a Bihać
- 3.Prodajom usluga na tržištu
- 4.Sudjelovanja korisnika zdravstvene zaštite u pokriću troškova zdravstvene zaštite
- 5.Drugih izvora na način i pod uvjetima određenih zakonom

Realizacija

Na osnovu predviđenih prihoda i realno iskazanih rashoda za 2022 godinu ove Ustanove, očekuje se realizacija ovog plana do kraja 2023 godine.

O realizaciji Finansijskog plana za poslovnu 2023 godinu starat će se direktor ustanove, Služba za finansijsko-računovodstvene poslove i Služba za administrativno-pravne poslove.

Završne odredbe

Sve izmjene i dopune Finansijskog plana za poslovnu 2023 godinu vrše se po postupku i načinu koji je utvrđen za njegovo donošenje.

Za sve što nije regulisano ovim aktom primjenjivat će se zakonske odredbe kao i drugi propisi koji regulišu predmetnu oblast.

Broj: UO-03-52/23

Bužim: 30.01.2023.goc



PREDSJEDNIK UPRAVNOG ODBORA
Mulalić Izudin, dipl. pravnik

Bosna i Hercegovina
Federacija Bosne i Hercegovine
Unsko-sanski kanton
Zdravstvena ustanova
Dom zdravlja Bužim

UPRAVNI ODBOR

Broj: UO-03- 53 /23
Bužim, 30.01.2023.god.

Na osnovu člana 35. Statuta ZU Dom zdravlja Bužim (Statut br. UO-03-15/11, od 28.02.2011.g., Odluke o izmjenama i dopunama Statuta ZU Dom zdravlja Bužim broj UO-03-61/12, od 28.12.2012.godine), Upravni odbor je na 28. redovnoj sjednici održanoj 30.01.2023. godine, donio

ODLUKU

I

Usvaja se Finansijski plan Zdravstvene ustanove Dom zdravlja Bužim za 2023.godinu.

II

Odluka stupa na snagu danom donošenja.

Dostavljeno :

1. Članovi U.O.
2. Direktorica, Bajrović dr Sađida
3. Arhiva U.O.



Predsjednik Upravnog odbora
Izudin Mulakć, dipl.iur

Na osnovu člana 96. Poslovnika Skupštine Unsko-sanskog kantona („Službeni glasnik Unsko-sanskog kantona“, br. 9/17 i 11/21), Skupština Unsko-sanskog kantona, na sjednici održanoj dana _____, donijela je sljedeću:

ODLUKU

I

Prihvata se Program rada i finansijski plan ZU Dom zdravlja Bužim za 2023. godinu.

II

Ova Odluka stupa na snagu danom donošenja i ista će se objaviti u „Službenom glasniku Unsko-sanskog kantona“.

Broj: _____
Bihać, _____

Predsjedavajući Skupštine
Unsko-sanskog kantona